

ხელშეკრულება N 1  
სახელმწიფო შესყიდვის შესახებ  
(გამარტივებული შესყიდვა)

ქ. მცხეთა

6 იანვარი, 2015 წელი

ერთი მხრივ, შპს "ელ.ერ. ჯგუფი" (ს/კ 436032614) შემდგომში "მიწოდებელი"), წარმოდგენილი მისი დირექტორის რამაზ ბიჩინიაურის სახით და მეორე მხრივ, შპს "მცხეთის სოფწყალი" (ს.კ.436034104) წარმოდგენილი მისი დირექტორის მოვალეობის შემსრულებლის გურამ კუპრაშვილის სახით (შემდგომში "შემსყიდველი"), „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსისა და საქართველოს კანონმდებლობით მონიჭებული უფლებამოსილების ფარგლებში ვდებთ წინამდებარე ხელშეკრულებას შემდეგი პირობებით:

1. ტერმინთა განმარტებები

- 1.1. ხელშეკრულება - წინამდებარე ხელშეკრულების ყველა მუხლი, პუნქტი და ქვეპუნქტი.
- 1.2. მხარე - მიწოდებელი ან შემსყიდველი კონტექსტის შესაბამისად.
- 1.3. მხარეები - მიწოდებელი და შემსყიდველი ერთდროულად.
- 1.4. ქონება - მოძრავი ნივთები, CPV 31700000 ელექტრონული, ელექტრომექანიკური და ელექტროტექნიკური აქსესუარები, რომლის დაზუსტება მოხდება მიღება-ჩაბარების აქტის ან/და სასაქონლო ზედნადების საფუძველზე.
- 1.5. ხელშეკრულების ფასი - შემსყიდველის მიერ მიწოდებლისათვის მიწოდებული ქონების სანაცვლოდ გადასახდელი თანხა.
- 1.6. ხელშეკრულებაში გამოყენებულ სხვა ტერმინებს აქვთ საქართველოს სამოქალაქო კოდექსით განსაზღვრული მნიშვნელობა.

2. ხელშეკრულების საგანი

- 2.1. მიწოდებელი კისრულობს ვალდებულებას უზრუნველყოს შემსყიდველისათვის ქონების მიწოდება, ხოლო შემსყიდველი კისრულობს ვალდებულებას, გადაუხადოს მიწოდებელს ხელშეკრულების ფასი.
- 2.2. ქონების მიწოდება ხელშეკრულების მოქმედების პერიოდისთვის შეიძლება განხორციელდეს რამდენიმე ეტაპად, ყოველ ჯერზე ქონების რაოდენობა, ხარისხი და მოცულობა დამოკიდებულია შემსყიდველის მოთხოვნაზე.

3. ხელშეკრულების მოქმედების ვადა

- 3.1. ხელშეკრულება ძალაში შედის მხარეთა მიერ მისი ხელმოწერისთანავე და ძალაშია 2015 წლის 31 დეკემბრის ჩათვლით.
- 3.2. ხელშეკრულება არ ექვემდებარება ავტომატურ პროლონგაციას.

4. მხარეთა ვალდებულებები

4.1. მიწოდებელი ვალდებულია:

- 4.1.1. გადასცეს შემსყიდველს უფლებრივად და ნივთობრივად უნაკლო ქონება და მასთან დაკავშირებული ყველა საბუთის ორიგინალი ან სათანადო წესით დამოწმებული ასლი;
- 4.1.2. ქონების გადაცემამდე უზრუნველყოს მისი შეთანხმებული პირობების შენარჩუნება;
- 4.1.3. ქონების შემსყიდველისთვის მიწოდებამდე მიწოდებელს ეკისრება მისი დაზიანების ან/და განადგურების, მათ შორის შემთხვევითი დაღუპვის რისკი. საკუთრების უფლება მიწოდებელიდან მყიდველზე გადადის მისი მიწოდების მომენტიდან.

4.2. შემსყიდველი ვალდებულია:

- 4.2.1. მიიღოს მიწოდებლისგან ქონება, და ქონებასთან დაკავშირებული ყველა საბუთი ამ ხელშეკრულებით დადგენილ ვადაში და წესით;

- 4.2.2. ხელშეკრულების ფასი გადაიხადოს ამ ხელშეკრულებით დადგენილ ვადაში და წესით;
- 4.3. მხარეები ვალდებული არიან ამ ხელშეკრულებით გათვალისწინებული ყველა დებულება შეასრულონ კეთილსინდისიერად და ჯეროვნად.
5. ხელშეკრულების ფასი და ანგარიშსწორების წესი
- 5.1. ხელშეკრულების სავარაუდო/საორიენტაციო ფასი შეადგენს 1 420 (ათას ოთხას ოცი) ლარს, რომლის დაზუსტებაც ხდება მიმწოდებლის მიერ ყოველ კონკრეტულ შეკვეთაზე, კეთილსინდისიერად და გონივრულად, მიწოდების მომენტი არსებული სარეალიზაციო ფასების მიხედვით, მიღება-ჩაბარების აქტის ან/და სასაქონლო ზედნადების საფუძველზე.
- 5.2. ხელშეკრულების ფასს შემსყიდველი მიმწოდებელს გადაუხდის სასაქონლო ზედნადების წარდგენიდან 10 (ათი) კალენდარული დღის ვადაში.
- 5.3. ხელშეკრულების ფასის დაფარვა მოხდება 2014 წლის ბიუჯეტით, 2015 წლის იანვარში.
- 5.4. მიღება-ჩაბარების აქტი უნდა გაფორმდეს ქონების მიწოდებიდან 1(ერთი) კალენდარული დღის ვადაში, გაუფორმებლობის შემთხვევაში ქონება ჩაითვლება მიწოდებულად და შემსყიდველი ვალდებულია ხელშეკრულების ფასის ანგარიშსწორება მოახდინოს ხელშეკრულების მე-5 მუხლის 5.2. პუნქტის შესაბამისად.
- 5.5. გადახდა ხორციელდება ეროვნულ ვალუტაში, უნაღდო ანგარიშსწორების გზით, მხარეთა მიერ ხელშეკრულების მე-9 მუხლში მითითებული რეკვიზიტების შესაბამისად.
6. მხარეთა პასუხისმგებლობა და ფორსმაჟორი
- 6.1. მხარეები ვალდებულიან კისრულობენ, აღუზადაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვნად შესრულების შედეგად მიყენებული ზარალი. ნებისმიერი ზარალის ანაზღაურების მოთხოვნა დასაბუთებული უნდა იყოს შესაბამისი დოკუმენტაციით, რაც დაადასტურებს მეორე მხარის ბრალეული ქმედებით ასეთი ზარალის გამოწვევის მიზეზს.
- 6.2. თითოეული მხარე ვალდებულია დაკისრებული ვალდებულება შეასრულოს დადგენილი წესით, შეთანხმების ფარგლებში ამასთან, თითოეულმა მათგანმა ხელი უნდა შეუწყოს მეორე მხარეს ვალდებულების შესრულებაში. მხარე, რომელიც არღვევს ნაკისრ ვალდებულებას, ვალდებულია დაუყოვნებლივ უზრუნველყოს მისი აღმოფხვრა.
- 6.3. მიმწოდებელს პასუხისმგებლობა ეკისრება მყიდველისათვის მიწოდებული ინფორმაციის სისწორეზე, გადაცემული დოკუმენტების ნამდვილობაზე, სისწორესა და სისრულეზე.
- 6.4. მხარეები თავისუფლდებიან ხელშეკრულებით ნაკისრი ვალდებულებებისაგან ფორსმაჟორული გარემოებების წარმოშობის შემთხვევაში.
7. რეკლამაციები/პრეტენზიები
- 7.1. ქონებაზე გარეგნულად შესამჩნევი დეფექტების, დაზიანებისა და დანაკარგების თაობაზე პრეტენზიები მიმწოდებელს წარედგინება დაუყოვნებლივ ქონების მიღებისას.
- 7.2. პრეტენზია შეიძლება ჩამოყალიბდეს როგორც ზეპირი, ისე წერილობითი ფორმით და მასში ზუსტად უნდა იყოს მითითებული პრეტენზიის საფუძველი ან/და ის გარემოებები, რომლებიც ადასტურებენ მხარის მოთხოვნას.
- 7.3. პრეტენზია ჩაბარებულად ჩაითვლება თუ ის გადაეცა მხარეთა უფლებამოსილ წარმომადგენლებს, ასევე მხარეთა თანამშრომლებს/დასაქმებულებს, რომლებიც წინამდებარე ხელშეკრულებით გათვალისწინებული ვადდებულებების შესრულებისას უშუალოდ წარმომადგენენ თითოეულ მხარეს და მოქმედებენ მათი სახელით.
- 7.4. თუ პრეტენზიის წარდგენის მომენტიდან 2 (ორი) სამუშაო დღის ვადაში პასუხი არ იქნება მიღებული პრეტენზია ჩაითვლება აქცეპტირებულად.
8. გარდამავალი და დასკვნითი დებულებანი

- 8.1. ხელშეკრულება იდება ქართულ ენაზე, თანაბარი იურიდიული ძალის მქონე 2 (ორი) იდენტურ ეგზემპლარად. აქედან, თითო ეგზემპლარი გადაეცემა თითო მხარეს.
- 8.2. მხარეთა შორის წერილობითი შეთანხმების საფუძველზე, ხელშეკრულებაში შეიძლება შეტანილ იქნას ცვლილებები და დამატებები, რომლებიც წარმოადგენენ ხელშეკრულების განუყოფელ ნაწილს.
- 8.3. მხარეთა შორის დავის წარმოშობის შემთხვევაში იგი უნდა გადაწყდეს უშუალოდ ურთიერთშეთანხმების გზით, საქართველოს მოქმედი კანონმდებლობით გათვალისწინებული წესების დაცვით.
- 8.4. შეთანხმების მიუღწევლობის შემთხვევაში დავა გადაწყდება მოქმედი კანონმდებლობის შესაბამისად - საერთო სასამართლოს მეშვეობით.
- 8.5. საკითხები რომლებიც არ არის განსაზღვრული ხელშეკრულებით გადაწყდება მოქმედი კანონმდებლობით.
- 8.6. მხარეები ხელშეკრულებაზე ხელმოწერით ადასტურებენ, რომ ეს ხელშეკრულება არ მოიცავს ბუნდოვან დებულებებს და რომ ისინი სრულად გაეცნენ და მიიღეს მასში აღნიშნული პირობები.
9. მხარეთა რეკვიზიტები და ხელმოწერა

**შემსყიდველი**

შპს მცხეთის სოფწყალი

დირექტორის მოვალეობის  
შემსრულებელი: გურამ კუპრაშვილი

მისამართი: მცხეთა, აღმაშენებლის N  
73

ტელ.: 2 513588

საიდენტიფიკაციო კოდი: 436034104

ბანკი: სს ლიბერთი ბანკი

ანგარიშის ნომერი:

GE78LB0113162465564000

ბანკის კოდი: LBRTGE22

**მიმწოდებელი**

შპს „ელ.ერ. ჯგუფი“

დირექტორი რამაზ ბიჩინიაური

მისამართი: მცხეთა, სოფ. საგურამო

ტელ.: 592 281811


საიდენტიფიკაციო კოდი: 436032614


ბანკი: სს პროკრედიტ ბანკი

ანგარიშის ნომერი:

GE10PC0443600100004531 GEL

ბანკის კოდი: MIBGGE22

  
  
 ბ.ა.

  
  
 ბ.ა.